



**საქართველოს განათლებისა და მეცნიერების სამინისტრო  
სსიპ საგანმანათლებლო დაწესებულების მანდატურის სამსახური**

**ბ რ ძ ა ნ ე ბ ა**



MES 8 23 0000000891



28/02/2023

**„საგანმანათლებლო დაწესებულების მანდატურის მიერ სკოლის შიდა და გარე პერიმეტრის არადისტანციური დათვალიერების წესის დადგენის შესახებ“ სსიპ საგანმანათლებლო დაწესებულების მანდატურის სამსახურის უფროსის 2019 წლის 28 ივნისის N80 ბრძანებაში ცვლილების შეტანის თაობაზე**

„საქართველოს ზოგადი ადმინისტრაციული კოდექსის“ 63-ე მუხლის, „საჯარო სამართლის იურიდიული პირის საგანმანათლებლო დაწესებულების მანდატურის სამსახურის დებულების დამტკიცების შესახებ“ საქართველოს განათლების, მეცნიერების, კულტურისა და სპორტის მინისტრის 2019 წლის 12 ივლისის N141/5 ბრძანებით დამტკიცებული დებულების მე-4 მუხლის მე-3 პუნქტის „კ“ ქვეპუნქტის საფუძველზე,

**ვ ბ რ ძ ა ნ ე ბ ა:**

1. შეტანილ იქნეს ცვლილება „საგანმანათლებლო დაწესებულების მანდატურის მიერ სკოლის შიდა და გარე პერიმეტრის არადისტანციური დათვალიერების წესის დადგენის შესახებ“ სსიპ საგანმანათლებლო დაწესებულების მანდატურის სამსახურის უფროსის 2019 წლის 28 ივნისის N80 ბრძანებაში და აღნიშნული ბრძანების პირველი და მეორე პუნქტით დამტკიცებული დანართი N1 და დანართი N2 ჩამოყალიბდეს ამ ბრძანების დანართების შესაბამისად;
2. ბრძანება ძალაშია ხელმოწერისთანავე;
3. ბრძანება გაეგზავნოს სსიპ საგანმანათლებლო დაწესებულების მანდატურის სამსახურის ადმინისტრაციულ სამმართველოს, დაგეგმარებისა და ანალიზის სამმართველოსა და მონიტორინგის სამმართველოს.
4. ბრძანება შეიძლება გასაჩივრდეს მისი ოფიციალური წესით გაცნობის დღიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დავით აღმაშენებლის ხეივანი №64).

სსიპ მანდატურის სამსახური  
უფროსი  
გელაძე გელა

A handwritten signature in blue ink, consisting of a long horizontal line with a stylized, looped flourish above it.

**საგანმანათლებლო დაწესებულების მანდატურის მიერ, სკოლის შიდა და გარე პერიმეტრის ვიდეოსათვალთვალო სისტემით აღჭურვამდე, არადისტანციური დათვალიერების წესი**

1. სკოლის შიდა და გარე პერიმეტრის ვიდეოსათვალთვალო სისტემით აღჭურვამდე, საგანმანათლებლო დაწესებულების მანდატური (შემდგომ - მანდატური) ახორციელებს სკოლის შიდა და გარე პერიმეტრის მხოლოდ არადისტანციურ დათვალიერებას;
2. სკოლაში განაწილებული მანდატურებიდან ერთი მანდატური საგაკვეთილო პროცესის დაწყებამდე 10 წუთით ადრე, არადისტანციურად ათვალიერებს სკოლის გარე პერიმეტრს და დგება სკოლის გარეთ, შესასვლელთან/შესასვლელებთან, ხოლო საგაკვეთილო პროცესის მიმდინარეობისას უზრუნველყოფს სკოლის შიდა პერიმეტრის არადისტანციურ დათვალიერებას.
3. სკოლის შიდა პერიმეტრის დათვალიერება ხორციელდება მუდმივად, იმ მანდატურის მიერ, რომელიც არ ისვენებს.
4. ის მანდატური/მანდატურები, რომლებიც არ ახდენს/ახდენენ გარე პერიმეტრის დათვალიერებას, საგაკვეთილო პროცესის დაწყებამდე 10 წუთით ადრე ურთიერთშეთანხმების საფუძველზე, ნაწილდებიან და ახდენენ სკოლის შიდა პერიმეტრის დათვალიერებას საგაკვეთილო პროცესის მიმდინარეობისას.
5. პირველი, მეორე, მესამე და მეოთხე გაკვეთილის მიმდინარეობის დროს ერთხელ, მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ. იმ საჯარო სკოლებში, სადაც განაწილებულია ოთხზე მეტი მანდატური, მანდატური/მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს.
6. მეხუთე, მეექვსე და მეშვიდე გაკვეთილის მიმდინარეობის დროს ერთხელ, მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ. იმ საჯარო სკოლებში, სადაც განაწილებულია სამზე მეტი მანდატური, მანდატური/მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს.
7. მერვე და ყოველი მომდევნო გაკვეთილის მიმდინარეობის დროს, მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, შეისვენონ 30 წუთით. მანდატური/მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს. მანდატურები უფლებამოსილნი არიან, აღნიშნული უფლებით ისარგებლონ დღის განმავლობაში ერთხელ.
8. გაკვეთილების მიმდინარეობის დროს, თითოეული გაკვეთილის დასრულებამდე ბოლო 10 წუთის განმავლობაში (თუ სკოლის გარე პერიმეტრის დასათვალიერებლად საჭიროა 10

წუთზე ნაკლები დრო, მანდატური დასათვალისწინებლად გადის იმ დროით, რაც საკმარისია სკოლის გარე პერიმეტრის დასათვალისწინებლად), ერთი მანდატური ათვალისწინებს სკოლის გარე პერიმეტრს (ათვალისწინებს შენობის ყველა მხარეს, იმ ადგილების ჩათვლით, სადაც სავარაუდოდ შეიძლება იყოს მოსწავლეების ან უცხო პირების კონცენტრაცია) და შესვენების დაწყებამდე ბრუნდება სკოლის შენობაში. სკოლის შენობაში დაბრუნების ვალდებულება არ ვრცელდება იმ სკოლაში განაწილებულ მანდატურებზე, რომელ სკოლაშიც გაკვეთილებს შორის შესვენებებს მოსწავლეები ატარებენ სკოლის ეზოში. ნებისმიერი გამონაკლისი აღნიშნული წესიდან თანხმდება შესაბამის კოორდინატორთან კომუნიკაციის იმ ფორმით, რომელიც მიღებულია მსგავსი ტიპის ურთიერთობისათვის;

9. მეხუთე და ყველა მომდევნო გაკვეთილის შემდეგ შესვენების დროს, მანდატურ(ებ)ი დგება/დგებიან გარეთ, სკოლის შესასვლელთან/შესასვლელთან და აკონტროლებს/აკონტროლებენ მოსწავლეების გადინებას და შესვლას სკოლის შენობაში. ნებისმიერი გამონაკლისი აღნიშნული წესიდან თანხმდება შესაბამის კოორდინატორთან კომუნიკაციის იმ ფორმით, რომელიც მიღებულია მსგავსი ტიპის ურთიერთობისათვის.

10. მანდატურს, ერთი გაკვეთილის მიმდინარეობის დროს, უფლება აქვს ერთ ადგილას შეჩერდეს არაუმეტეს 15 (თხუთმეტი) წუთით, გარდა განსაკუთრებული შემთხვევისა.

11. საგაკვეთილო პროცესის დასრულების შემდეგ, როდესაც ყველა მოსწავლე დატოვებს სკოლის ტერიტორიას, სკოლის ტერიტორიიდან გასვლამდე, მანდატური/მანდატურები ვალდებული არიან გადანაწილდნენ სკოლის შიდა და გარე პერიმეტრზე და უზრუნველყონ არადისტანციური დათვალისწინება. შემოწმების დროს დაუშვებელია მანდატურების გადაადგილება ჯგუფურად, გარდა განსაკუთრებული შემთხვევებისა.

12. აღნიშნული წესისგან განსხვავებულად, შესაბამის კოორდინატორთან წინასწარი შეთანხმებით, შესაძლოა დარეგულირდეს იმ სკოლების არადისტანციური დათვალისწინების წესი, რომელიც „ზოგადსაგანმანათლებლო დაწესებულებების საჯარო სამართლის იურიდიულ პირებად დაფუძნებისა და საჯარო სკოლის წესდების დამტკიცების შესახებ“ საქართველოს განათლებისა და მეცნიერების მინისტრის 2005 წლის 15 სექტემბრის №448 ბრძანებით დამტკიცებული წესის თანახმად ახორციელებენ განვითარების შეფერხების, სენსორული და ქცევისა და ემოციური დარღვევების მქონე, ბავშვთა სპეციალურ საგანმანათლებლო პროგრამებს.

**საგანმანათლებლო დაწესებულების მანდატურის მიერ, იმ სკოლის შიდა და გარე პერიმეტრის არადისტანციური დათვალიერების წესი, რომელიც აღჭურვილია ვიდეოსათვალთვალო სისტემით**

1. მანდატურის მიერ სკოლის ტერიტორიაზე უსაფრთხოებისა და საზოგადოებრივი წესრიგის დაცვის მიზნით ხორციელდება:

ა) სკოლის შიდა და გარე პერიმეტრის დათვალიერება ვიდეოსათვალთვალო სისტემის საშუალებით;

ბ) სკოლის შიდა და გარე პერიმეტრის არადისტანციური დათვალიერება.

2. შიდა პერიმეტრის არადისტანციური დათვალიერება ხორციელდება მუდმივად, იმ მანდატურის მიერ, რომელიც არ ისვენებს ან/და არ ახდენს პერიმეტრის დისტანციურ დათვალიერებას.

3. სკოლაში განაწილებული მანდატურებიდან ერთი მანდატური საგაკვეთილო პროცესის დაწყებამდე 10 წუთით ადრე არადისტანციურად ათვალიერებს სკოლის გარე პერიმეტრს და დგება სკოლის გარეთ, შესასვლელთან/შესასვლელებთან, ხოლო საგაკვეთილო პროცესის მიმდინარეობისას უზრუნველყოფს სკოლის შიდა პერიმეტრის არადისტანციურ დათვალიერებას.

4. იმ სკოლებში, სადაც განაწილებულია ორი მანდატური და სათვალთვალო კამერების რაოდენობა იძლევა სკოლის შიდა და გარე პერიმეტრის კონტროლის შესაძლებლობას (არანაკლებ სკოლის პერიმეტრის 70 %-ისა და მეტი):

ა) საგაკვეთილო პროცესის დაწყებამდე 10 წუთით ადრე ერთი მანდატური იწყებს და გაკვეთილების მსვლელობის დროს უწყვეტად, მათ შორის გაკვეთილებს შორის შესვენების დროსაც, დისტანციურად ათვალიერებს სკოლის შიდა და გარე პერიმეტრს. გაკვეთილებს შორის შესვენების დროს, მეწყვილე მანდატური სკოლის შიდა პერიმეტრს ათვალიერებს არადისტანციურად.

ბ) გაკვეთილების მიმდინარეობის დროს, თითოეული გაკვეთილის დასრულებამდე ბოლო 10 წუთის განმავლობაში (თუ სკოლის გარე პერიმეტრის დასათვალიერებლად საჭიროა 10 წუთზე ნაკლები დრო, მანდატური დასათვალიერებლად გადის იმ დროით, რაც საკმარისია სკოლის გარე პერიმეტრის დასათვალიერებლად), ერთი მანდატური ათვალიერებს სკოლის გარე პერიმეტრს (ათვალიერებს შენობის ყველა მხარეს, იმ ადგილების ჩათვლით, სადაც სავარაუდოდ შეიძლება იყოს მოსწავლეების ან უცხო პირების კონცენტრაცია) და შესვენების დაწყებამდე ბრუნდება სკოლის შენობაში. სკოლის შენობაში დაბრუნების ვალდებულება არ ვრცელდება იმ სკოლაში განაწილებულ მანდატურებზე, რომელ სკოლაშიც გაკვეთილებს შორის შესვენებებს მოსწავლეები ატარებენ სკოლის ეზოში.

გ) ნებისმიერი გამონაკლისი აღნიშნული წესიდან თანხმდება შესაბამის კოორდინატორთან კომუნიკაციის იმ ფორმით, რომელიც მიღებულია მსგავსი ტიპის ურთიერთობისათვის;

5. იმ სკოლებში, სადაც განაწილებულია ორზე მეტი მანდატური და სათვალთვალო კამერების რაოდენობა იძლევა სკოლის შიდა და გარე პერიმეტრის კონტროლის შესაძლებლობას (არანაკლებ სკოლის პერიმეტრის 70 %-ისა და მეტი), საგაკვეთილო პროცესის დაწყებამდე 10 წუთით ადრე ერთი მანდატური იწყებს და გაკვეთილების მსვლელობის დროს უწყვეტად, მათ შორის გაკვეთილებს შორის შესვენების დროსაც, დისტანციურად ათვალიერებს სკოლის შიდა

და გარე პერიმეტრს. . სკოლაში განაწილებული ის მანდატურები, რომლებიც არ ახდენენ პერიმეტრის დისტანციურ დათვალიერებას, ახდენენ სკოლის შიდა პერიმეტრის კონტროლს არადისტანციურად. გაკვეთილების მიმდინარეობის დროს, თითოეული გაკვეთილის დასრულებამდე ბოლო 10 წუთის განმავლობაში (თუ სკოლის გარე პერიმეტრის დასათვალიერებლად საჭიროა 10 წუთზე ნაკლები დრო, მანდატური დასათვალიერებლად გადის იმ დროით, რაც საკმარისია სკოლის გარე პერიმეტრის დასათვალიერებლად), ერთი მანდატური ათვალიერებს სკოლის გარე პერიმეტრს (ათვალიერებს შენობის ყველა მხარეს, იმ ადგილების ჩათვლით, სადაც სავარაუდოდ შეიძლება იყოს მოსწავლეების ან უცხო პირების კონცენტრაცია) და შესვენების დაწყებამდე ბრუნდება სკოლის შენობაში. სკოლის შენობაში დაბრუნების ვალდებულება არ ვრცელდება იმ სკოლაში განაწილებულ მანდატურებზე, რომელ სკოლაშიც გაკვეთილებს შორის შესვენებებს მოსწავლეები ატარებენ სკოლის ეზოში. ნებისმიერი გამონაკლისი აღნიშნული წესიდან თანხმდება შესაბამის კოორდინატორთან კომუნიკაციის იმ ფორმით, რომელიც მიღებულია მსგავსი ტიპის ურთიერთობისათვის;

6. დარღვევის/სავარაუდო დარღვევის ექვის გაჩენის/დაფიქსირების შემთხვევაში, კამერებთან მყოფი მანდატური ვალდებულია ფაქტის შესახებ დაუყოვნებლივ შეატყობინოს რაციის მეშვეობით, იმ მანდატურებს, რომლებიც უზრუნველყოფენ სკოლის შიდა და გარე პერიმეტრის არადისტანციურ დათვალიერებას. იმ შემთხვევაში, თუ აღნიშნული მანდატურები შემთხვევის ადგილიდან არიან შორს და თვითონ უფრო მცირე ვადაში შეძლებს შემთხვევის ადგილზე მისვლას, თვითონ უზრუნველყოს შემთხვევის ადგილზე გასვლა. აღნიშნული შეტყობინების დროს, მეწყვილესათვის გადაცემული თითოეული შეტყობინების თაობაზე ჩანაწერი კეთდება შესაბამის ცხრილში.

7. მანდატური, რომელიც უზრუნველყოფს სკოლის პერიმეტრის არადისტანციურ დათვალიერებას, გამოვლენილი დარღვევის/სავარაუდო დარღვევის შესახებ დაუყოვნებლივ, რაციის მეშვეობით ატყობინებს მანდატურს, რომელიც უზრუნველყოფს სკოლის პერიმეტრის დათვალიერებას ვიდეოსათვალთვალ სისტემის საშუალებით.

8. ტექნიკური გაუმართაობის გამო, დისტანციური წესით სკოლის პერიმეტრის მინიმუმ 70 %-ის დათვალიერების შეუძლებლობისას, მანდატურები სკოლის პერიმეტრის დათვალიერებას ახდენენ არადისტანციური წესით შესაბამისი მიზეზის აღმოფხვრამდე.

9. პირველი, მეორე, მესამე და მეოთხე გაკვეთილის მიმდინარეობის დროს ერთხელ, მანდატურები უფლებამოსილნი არიან, შესაბამის კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ. იმ საჯარო სკოლებში, სადაც განაწილებულია ოთხზე მეტი მანდატური, მანდატური/მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს.

10. მეხუთე, მეექვსე და მეშვიდე გაკვეთილის მიმდინარეობის დროს ერთხელ, მანდატურები უფლებამოსილნი არიან, წინასწარ შესაბამის კოორდინატორთან შეთანხმებული გრაფიკის მიხედვით, 30 წუთით შეისვენონ. იმ საჯარო სკოლებში, სადაც განაწილებულია სამზე მეტი მანდატური, მანდატურები უფლებამოსილნი არიან, წინასწარ შესაბამის კოორდინატორთან შეთანხმებული გრაფიკის მიხედვით, არაუმეტეს 30 (ოცდაათი) წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს.

11. მერვე და ყოველი მომდევნო გაკვეთილის მიმდინარეობის დროს, მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით,

შეისვენონ 30 (ოცდაათი) წუთით. მანდატური/მანდატურები უფლებამოსილნი არიან, კოორდინატორთან წინასწარ შეთანხმებული გრაფიკის მიხედვით, 30 წუთით შეისვენონ ისე, რომ შესვენებულ მანდატურთა რაოდენობა არ აღემატებოდეს სკოლაში განაწილებულ მანდატურთა საერთო რაოდენობის ორ მესამედს. მანდატურები უფლებამოსილნი არიან, აღნიშნული უფლებით ისარგებლონ დღის განმავლობაში ერთხელ.

12. მეხუთე და ყველა მომდევნო გაკვეთილის შემდეგ შესვენების დროს, მანდატურ(ებ)ი დგება/დგებიან გარეთ, სკოლის შესასვლელთან/შესასვლელებთან და აკონტროლებს/აკონტროლებენ მოსწავლეების გადინებას და შესვლას სკოლის შენობაში. ნებისმიერი გამონაკლისი აღნიშნული წესიდან თანხმდება შესაბამის კოორდინატორთან კომუნიკაციის იმ ფორმით, რომელიც მიღებულია მსგავსი ტიპის ურთიერთობისათვის.

13. მანდატურს, ერთი გაკვეთილის მიმდინარეობის დროს, უფლება აქვს ერთ ადგილას შეჩერდეს არაუმეტეს 15 (თხუთმეტი) წუთით, გარდა განსაკუთრებული შემთხვევისა.

14. საგაკვეთილო პროცესის დასრულების შემდეგ, როდესაც ყველა მოსწავლე დატოვებს სკოლის ტერიტორიას სკოლის ტერიტორიიდან გასვლამდე, მანდატური/მანდატურები ვალდებული არიან გადანაწილდნენ სკოლის შიდა და გარე პერიმეტრზე და უზრუნველყონ არადისტანციური დათვალიერება. შემოწმების დროს დაუშვებელია მანდატურების გადაადგილება ჯგუფურად, გარდა განსაკუთრებული შემთხვევებისა.

15. აღნიშნული წესისგან განსხვავებულად, შესაბამის კოორდინატორთან წინასწარი შეთანხმებით, შესაძლოა დარეგულირდეს იმ სკოლების არადისტანციური დათვალიერების წესი, რომელიც „ზოგადსაგანმანათლებლო დაწესებულებების საჯარო სამართლის იურიდიულ პირებად დაფუძნებისა და საჯარო სკოლის წესდების დამტკიცების შესახებ“ საქართველოს განათლებისა და მეცნიერების მინისტრის 2005 წლის 15 სექტემბრის №448 ბრძანებით დამტკიცებული წესის თანახმად ახორციელებენ განვითარების შეფერხების, სენსორული და ქცევისა და ემოციური დარღვევების მქონე, ბავშვთა სპეციალურ საგანმანათლებლო პროგრამებს.